

咸豐丁巳重脩

撰  
事

奉天開原縣志

全祿謹題

開原在

縣

開原



開原縣志卷之六

風俗

關雎雅化兔置亦生賢才鵲巢仁風鼠牙自消訟獄古君子移風易俗良有以也開原為

盛京所屬之地凡聲教所覃敷均由近以及遠漸之以仁同歸化育摩之以義羣荷陶成士食舊德敦名節而去浮文農服先疇崇勤儉而凜成憲化行俗美不復見於今日也哉

遼東地廣民稀箕子教其民以禮義田蠶織作其民

開原縣志

卷之六

風俗

一

終不相盜無門戶之閉婦人貞信

漢書地理志

舊風淳直其祭天地敬親戚尊者老接賓客信朋友

禮義欵曲皆出自然

金史

人多僑居俗各異好又云人性淳實務農桑習文禮

明一統志

按遼地風俗見於史傳者其畧如此

按開原舊俗賦性質實務農習射

盛京通志

里有仁風戶聞絃誦

盛京通志

士習尚質樸或親勞田間初無藐法抗糧等事然





舊俗博取青衫後或資斧不足或家務累身雖欲求進而不能近來風氣振興詩文頗尚花樣春秋兩闈間有高捷者

農 習尚勤儉無論貧富倉廩惟求有餘邇時風氣漸開亦有稍尚華美者而終不至於太奢

工 習尚篤實無奇技淫巧以偽亂真然鳩工庀材亦有勝人之藝故制器利用貧富之家往往購之

商 習尚純誠其人不皆土著其貨不盡銀莊大者燒鍋當舖以及布縷粟米等行往來貿易皆有利於

開原縣志

卷之六

風俗

二

一邑

冠 見於曲禮冠儀白虎通諸書時不盡行

婚 婚姻之禮先重媒妁男家倩親友往女家求婚將許之二家合索男女生庚令術家推算議既定婚

家諏吉通以書啟畧備幣帛簪珥曰定婚禮貧家定婚亦有用庚帖者親迎前一月擇吉令媒遞柬女家先親迎一二日送粧奩於婿家曰安嫁粧屆期行親迎禮婿家先送婦家豚肉一方饅首數十箇婿於昧爽鼓吹彩轎往至女家拜其父母曰謝親女家具



酒餚欸壻畢新婦蒙以紅錦蓋頭曰避凶煞遂登彩  
轎後行導以鼓吹貧家亦有不行親迎禮者當女子  
于歸之前親屬皆請以酒食曰餞女行將升轎新婦  
坐椅上有兄弟輩舁至轎前至壻家履地藉紅氍入  
曰避白虎與夫同拜天地拜畢入房壻掀取蓋頭坐  
向吉方對窻粘紅紙曰迎喜神方成粧加髻義取總  
角夫婦婦家餽以食物曰饌飯午陳酒餚一席曰管  
大飯至晚夫婦並坐食麪曰長壽麪翌日晨起拜祖  
神位拜翁姑拜伯叔翁姑及至近親戚曰分大小夫  
婦並跪倒壺曰倒寶瓶三日拜祖塋義取廟見九日  
婦家接壻與婦義取歸甯曰住九遇元宵節女回壻  
家曰不看娘家燈遇清明時婦家接女去曰躲清明  
初次作衣先作男袴曰寶庫初次作鞋如壻家尊卑  
之數曰遍家鞋義取協和凡此婚禮雖貧富繁簡不  
同而大概如是猶存古禮遺意也

喪 當父母疾重子孫易衣服衾褥擡移牀上氣絕  
子孫皆哭枕以布枕曰雞鳴枕使長夜亦知天曉也  
蒙面以帛縈足以絲卽禮縈足之義也按死者壽數



叠白紙翦爲三連繫竿垂門外曰門幡寫死者名姓  
壽數分男左女右子孫以香楮焚神祠哭而歸曰還  
魂錢望魂之復還也服白布麻繩詣親戚送信即訃  
音之說也棺木皆用松大斂已後以香油畫死者目  
曰開光明棺上置米飯一椀壽釘一箇靈案燃長燈  
晝夜不息前有陶器焚化紙錢第二三日子孫引幡  
呼親以紙馬等焚神祠曰送行是日親屬成服爲子  
者寢苦枕塊絕葷酒宿靈次至七日家祭請客將近  
葬期先一二日致祭成主行文公家禮之儀俗亦有

開原縣志

卷之六

風俗

四

延僧道談經者及葬術家先開墳點穴子摔陶器執  
魂幡扶柩前導親屬同哭送奠酒餼於路曰路祭撒  
楮錢於道曰買路錢及墓祀土神既葬三日詣墓哭  
奠曰圓墳小祥大祥皆詣墓哭奠禫卜日而祭俗多  
不行終三月詣墓哭奠後乃即吉總之送死原爲大  
事貧富惟自盡而已至世俗浮文何足拘哉

祭 正月元日

五更初起時翦紙衣一包并香楮祭歧路處口燒包袱

二十五

日祭倉龍田

三月清明

詣墓祭壓紙錢新土封塚

五月五日

祀先

七月十三日

麻穀將稔士民行追遠禮薦時食祭新葬者戚友餽送楮錢饅首曰上麻穀



中元詣墓祭八月十五日祀先十月初吉詣墓祭剪紙衣焚之曰送寒衣

十二月二十三日祀竈品歲終詣墓祭

諸神祭期載在祀典不多贅

節令

正月元日子刻設牲饌燃香燭祭天地接神及竈放爆竹拜祖及長後良麩角晨興親朋交相

賀半旬鳴金鼓放火樹燈燭羣遊過橋曰散乃止百病美男子數十人衣白衣唱俚曲觀

者如堵二月造春二日俗傳龍擡頭食春餅曰秧歌撒新灰井上曰引龍

三月清明詳見祭志

四月初八二十八日城鄉婦女詣廟焚香官禁屠宰

開原縣志

卷之六

風俗

五

五月端午插蒲艾食角黍飲雄黃酒兒女以絲絲繫頸臂曰百歲索又曰長命縷門挂紙壺

曰避瘟疫

六月六日曝衣及書畜水浸物不腐

七月七日幼女針浮水盆乞巧十五日詳見祭志

八月十五日陳月餅設瓜果祭月

九月九日製花糕飲菊酒登高曰賞重陽

十月農滌場田功息十一月冬至祀先祖拜尊長如元旦儀官皆拜賀俗無行之者

十二月初八日作臘酒雜用棗栗五穀為粥曰臘八粥除日易門神貼春聯陳祀



儀立天燈通宵不眠曰守  
歲圍坐而飲曰守歲酒

開原縣志

卷之六

風俗

六



開原縣志卷之六

名宦

抱朴子曰三台九列坐而論道州牧郡守操綱舉要其官益重其事益繁彼夫鸞忽止宮王阜之慈祥所感蝗不集界夷吾之愷悌可歌依古以來凡若是循良所爲者不皆彪炳於寰區哉開原向係邊陲歷代遞更名宦無幾今當世遠年湮僅於斷簡殘編中搜其芳型而弔其遺烈大抵卧閣致治四境帖然足動吾民之戶祝者則惟設縣以後尚有諸公可考也試枚舉之志名宦

開原縣志

卷之六

名宦

七

遼

韓制心

幽州安次人開泰中拜上京留守太平中歷中京留守數以不曲法不虐民不愛錢自箴歲若不登奏免租賦民若被兵奏發廩賑寵居貴戚而不驕屢徙王位而不矜卒之日部民若哀父母

金

承暉

字維明好學淹貫經史遷東京咸平路提刑副使同



知上京留守豪猾屏息遷臨海軍節度使歷利涉遼海軍遷北京路提刑歷知咸平臨潢府爲北京留守李東陽素貴承暉自非公事不與交一言卒爲名臣死於中都之難贈尚書令廣平郡王諡忠肅  
耨盪溫敦兀帶

阿補斯水人通書史工爲詩世宗卽位授咸平及會甯尹爲北邊行軍都統時窩翰初定人心未安兀帶爲治寬簡多備禦謹斥堠邊境以甯改北京留守以廉察舉兀帶所在有能名無私過入拜參知政事

開原縣志

卷之六

名宦

八

明

徐便

字崇謹黃岡人幼嗜學有武畧元季兵敗民失依歸衆推爲帥保障鄉里辛巳率衆歸明授千戶守臨濠招赴京師陞遼海衛指揮僉事己亥移守遼海衛陞遼東都指揮僉事卒於官年七十居官莅政所至有政聲開原城數火災令民多鑿井防之火不復發城南大水隍被冲圯策築堤水患平遇事倉卒未嘗疾言遽色又恭儉禮士推誠待人民咸德之



鄒溶

字大淵泗州盱眙人由燕山右護衛百戶累陞錦衣衛指揮同知調開原備禦修城壘開河道展關廂創馬市俱有能名官至都指揮同知

耿賢

定遠前衛人由指揮僉事掌都司印備禦金復鐵嶺尋守備甯遠轉右參將分守開原善撫士卒不妄交際致仕歸所屬憫其清苦各餽金幣賢悉分給軍士後卒葬城東杏林山與其師顧能墓相近詩人弔之

開原縣志

卷之六

名宦

九

以爲師弟雙清云

本朝

王克寬

號南坡漢軍正白旗人少聰穎兼通滿漢文字

國初選授尚陽堡四品官凡以罪徙者皆隸焉克寬除科

派濟貧苦時流移者咸得其所及奉天建郡縣流徙俱赦爲民克寬改授佐領尤善其職常命子國卿建養生堂在瀋陽東邊門內安置孤貧施粥并棺木又催乳母育嬰兒凡受生全之惠者不可勝紀今其子



孫世襲佐領科第不絕

何金序

字元玉號青綸原籍江南丹徒縣人後移直隸昌平州順治甲午副榜

恩拔入監康熙四年選授開原縣知縣至開之日城邑邱墟居民寥寥僑居石塔寺是歲九月奉新例招民一千四百戶改流徙入籍五百戶時民無生計即捐俸米數百石分給之保全者甚衆繼創建

聖廟及山川風雲雷雨社稷諸壇又講學勸農立市羣黎

開原縣志

卷之六

名宦

十

各安其業至於縣署僅茅屋數椽而已顏其堂曰澄心常謂凡事減一分民受一分之益不願以不急者擾吾民後值蒙古察哈爾叛開原素無守卒乃鍊勇設畧擒渠魁數十人賊遁去居官十二年愛民如子有惠政壬辰冬陞兵部都捕司主事去之日民遮道泣留鑄遺愛碑以記之

劉超凡

字濬澄直隸永平人順治戊戌進士康熙十六年除授開原知縣莅任三年靖共爾位以德化民在城中



選鄉老二人每逢朔望携魏相國所輯教民恒言各賜二冊與之講習不倦彼時

聖廟僅有草殿三楹遂督令文武生員及社學子弟築垣建門並樹左右兩坊素以振興文教爲己任有古循吏風報政時擢爲第一康熙十九年冬擢陞御史二十二年夏補廣西道監察御史

周志煥

字炳文浙江鄞縣人由

恩拔貢監除授開原知縣官五載有政聲每以教養爲

開原縣志

卷之六

名宦

上

急務遂於康熙二十二年重修

聖殿二十四年增建

啟聖祠招民墾田遷尚陽堡流徙入籍爲民並請添設學官闢草萊任土地開十五社衣食之原重文教訓儒生放億萬年扶餘之化教養善政自此公始迄今民稱頌之

李渥

山東壽光人由歲貢除授開原知縣康熙四十九年增建



聖廟東西兩廡櫺星門居官公正廉明黎庶仰戴後擢陞  
承德縣令

明 亮

字炯菴正紅旗人乾隆壬午舉人四十一年除授開  
原縣知縣勤慎廉明五十年重修

聖殿東西廡大成門櫺星門並左右坊忠孝祠又於正殿  
後新建

崇聖祠三楹將舊祠遺址改建

文昌宮且將舊圍土牆改爲磚砌紅牆有碑記可考五十

開原縣志

卷之六

各宦

十二

八年又捐廉置地設二坊柵欄以防行人素好學極  
博雅首著開原志考文徵獻纂輯成帙洵爲一邑之  
掌故也風昔尤能訓迪士子故文風丕變士林重之

孫 錫

號雪帷舉人科第里居失考嘉慶七年任下車觀風  
暇日衡文勤政廉明重賓興助資斧玦拾緡

岱 齡

滿洲鑲白旗人筆帖式嘉慶十年任保民重士典舉  
賓興



清甯

蒙古正藍旗人中書嘉慶十八年任廉明果決禁娼賭宰耕牛等事元旦日卒於縣署今猶戶祝焉

福永

滿洲正紅旗人筆帖式嘉慶二十年任弭盜安良惠及賓興

廣和

滿洲正紅旗人筆帖式道光十五年任不諂不瀆精明有節嚴禁搶糧解組前紳耆赴藩留之

關原縣志

卷之六

名宦

十三

音德

蒙古正黃旗人筆帖式道光十六年任折獄明決民心悅服有政聲

胡耀甲

直隸定興縣人乾隆五十二年任三任之久月無曠課新生拜謁不索贄敬平日會見諸生一室談心如里塾師弟然

王丹書

直隸涿州人庚午舉人道光十一年任歷任三次醇



謹清廉時有教育解組回籍紳士恭懸念載甄陶匾  
額並化雨春風采帳鼓樂遠送孫家台飲餞話別

開原縣志

卷之六

名宦

十四



開原縣志卷之六

人物 八旗附

虞初新誌曰天地人物皆奇器也夫奇莫奇於日月風雷之何以變幻也奇莫奇於山川草木之何以蕃衍也亦奇莫奇於身體髮膚之何以亭毒也究之天地之奇人皆得而具之而人之奇更有無愧於天地鈞陶者或志切從龍進爲華國之選或功能馭馬出爲禦衆之才表著當時而流芳奕禩使後人景仰難忘者豈不更有至奇者乎開原典籍散失其僅僅傳於後者文足經邦有治劇理煩之畧武堪禦敵有臨機決策之良先後媿美亦一邑中之奇人也志人物

唐

李謹行

靺鞨人父突地稽初事隋及唐武德初奉朝貢授總管以戰功封耆國公貞觀初遷右衛將軍賜姓李謹行偉容貌勇冠軍中累遷營州都督高宗時破高麗於發盧河之西妻劉氏亦以伐奴城功封燕國夫人上元元年發兵討新羅以謹行爲安東鎮撫大使三



戰皆捷新羅乃入貢謝罪三年破吐番於青海封燕國公卒贈幽州都督陪葬乾陵

李多祚

其先靺鞨人號黃頭都督入中國多祚乃其後裔累軍功遷右鷹揚大將軍室韋及孫萬榮之叛命多祚進討以勞改右羽林大將軍領北門衛兵張柬之將誅二張以多祚素感慨可動以義就與定謀多祚泣數行下引天地以自誓遂與王同皎李湛等共誅易之昌宗中宗復位封多祚遼陽郡王

開原縣志

卷之六

人物

十六

李 璿

渤海靺鞨人本姓茹父懷光爲朔方將以功賜姓李建中四年朱泚圍奉天懷光入援倍道至河東敗泚兵於醴泉又敗賊於魯店泚解圍去功高威重爲盧杞所忌屯咸陽不進璿時爲監察御史密言於德宗曰臣父必負陛下願早爲備德宗驚曰然則卿以何策自免曰臣之進言非苟求生臣父敗則臣與俱死矣使臣賣父求生陛下亦安用之及懷光死璿亦自殺



金

夾谷謝奴

隆州納魯悔河人也長身多髯善騎射通女直契丹大小字及漢字從攻和尚原出仙人關計前後功襲其父猛安謀克累遷工部尚書改平涼尹昭義軍節度卒

顏盞門都

隆州帕里山人長身美髯天眷初叛將定國軍節度李世輔邀宗室杲至私署以獻甲爲名遂以兵劫

開原縣志

卷之六

人物

十七

杲去門都突出以告完顏撻懶同率兵追及首出與戰杲由是得脫齊國初廢諸路反覆不一授門都牌劄令往撫定門都多張甲兵從者安之違者討之帖然無復叛者大定初從平秦隴以功授慶陽尹兼本路兵馬都總管卒於官門都性忠厚謹愨安置營壁尤能慎密有敵忽來雖矢石至前號令士卒如平時由是人益安附而功易成焉

溫廸罕蒲里特

隆州人魁梧美髯有謀略以智勇聞賊識其旗幟望



風奔潰大定三年授泰甯軍節度使卒  
李朮魯阿魯罕

隆州琵琶葛山人僕散忠義討窩幹辟置幕府甚見  
信任窩幹既平阿魯罕招集散亡復業者數萬人紇  
石烈良弼薦阿魯罕有才幹持心忠正言不阿順遷  
勸農副使兼侍御史右司郎中改西南路招討使有  
司督本路猛安人戶所貸官粟阿魯罕乞俟豐年從  
之改陝西路統軍使阿魯罕所至稱治陝西政績尤  
著召爲參知政事乞致仕除北京留守

開原縣志

卷之六

人物

六

尼龐古鑑

隆州人大定十三年進士調隆安教授擢近侍局直  
長改太子侍丞遷應奉翰林文字世宗嘗謂宰臣曰  
鑑嘗近侍朕知其正直幹治及爲東宮侍丞保護太  
孫禮節言動猶有國俗純厚舊風朕甚嘉之明昌五  
年拜參知政事卒諡文肅

夾古查刺

隆州失撒古河人狀貌魁梧善女直契丹書大定二  
年從伐宋下德順州以功授殿前右衛將軍九年出



為東北路招討使兼德昌軍節度使到官治有勤績  
邊境以安斷獄公平道不拾遺遷臨潢尹兼本路兵  
馬都總管蕃部畏服改西北路招討使卒

明

童信

三萬衛人建文初從燕兵南下勇敢負氣每戰輒有  
奇功累官至都督

陳宗

遼海人初城南池蓮忽生黃花一莖其大如盤色甚

開原縣志

卷之六

人物

十九

鮮麗術者異之曰城中當出奇士未幾宗生四歲能  
書五歲屬文號神童尤長於篆刻十八登進士任刑  
部主事尋陞尚寶寺少卿卒

本朝

趙世禎

開元人順治戊子貢士由沛令歷陞安慶知府均地  
丁省徭役捕蝗禱雨皆有實政十年歿於官貧無以  
殮皖人肖像祀之

吳興祚



號留村遼東清河人漢軍正紅旗籍順治十二年由貢生知大甯縣縣介萬山中經流寇蹂躪民多轉徙學宮鞠爲茂草興祚招民勸墾興學養士不再葺民復舊業寢聞絃誦聲再任無錫令無錫最號繁劇前任多以罪廢數十年無遷擢者興祚至尚有前令數人虧空未完拘寄追比興祚心念數令囊已如洗拘之何益甯爲代賠俾得歸鄉井耳因設祖席具贐儀延數令至告以代完虧空已出印結諸公可卽作歸計無久淹此也數令皆感泣而去在任數年以治行

開原縣志

卷之六

人物

二十

報最超擢福建按察陞巡撫加兵部尚書首薦臬司永甯于成龍世號知人時耿逆雖平海氛未靖興祚留意戎行識拔將才總督標下藍理過誤將刑興祚知其忠勇可緩頰爲開生路理後果以拖腸大戰蒙

聖祖

仁

皇帝獎賚優擢顯職理感舊恩繪興祚像奉之姚啟聖平海興祚與之協謀取金門廈門功加世襲一等精奇尼哈番晉粵督調山西右衛副都統從征厄魯特卒於軍興祚篤念親故其先世爲紹興人興祚既貴損金修族譜增置祭田義塾族中凡發處者皆與



贍養之資親舊及聞名投謁者均有資給素善書精詩律所著有宋元聲律選及史遷句解行世

姜 藥

邑人康熙丁酉舉人直隸三河縣教諭品行端方勤於訓士凡有啟迪必以忠孝爲先迄今甲第不絕

郝百祿

邑人康熙丙申歲貢雍正壬子選授直隸贊皇縣訓導考課諸生教誨不倦貧無力者給以膏火捐廉修理

開原縣志

卷之六

人物

三

聖廟士林佩服因親老告歸生養死葬無不盡禮乾隆庚午歲清河大水災及禾稼首捐貲助賑每日濟民全活甚衆四子兩登甲第均入仕籍壽終所著有留聲文萃行世

傅 珏

字連璧邑人幼隨祖母節婦許氏教養承顏順志人無間言及長由拔貢選授浙江慈谿縣令勤慎清正今浙人猶稱頌焉長子宗尹教習期滿考授司鐸因親老不樂仕進孫德宜乾隆乙卯舉人甲第建綿時



人以爲一門節孝之報云

郝璞

字太完百祿長子與弟璉同中乾隆戊午舉人時有兄弟聯芳之稱己未璞聯捷進士除授雲南通海縣令調任文山署阿迷州所至有政聲謹遵庭訓以廉明公恕自勉去日送者數百人敬獻衣傘

郝璉

字商尊百祿次子幼年穎悟所志者大前縣令蔡英以大器許之後與兄璞同領鄉薦壬戌捷南宮初授

開原縣志

卷之六

人物

三

直隸甯津縣今年少老成折獄如神調任棗強勸課農桑宣講

聖諭士民重之乙亥春

皇上南巡飭委總理紅杏園

行宮差務敬謹督辦奉

旨得與筵宴賞給緞疋荷包深蒙

厚澤棗強水災先捐資拯民備文速請發賑民賴以安田

是卓異首薦引

見時賞給天青雲緞方龍補服朝衣一襲陞署滄州承修



長堤石閘等工熟悉水利不擾閭閻後丁憂回籍服  
闋題補文安縣令修堤工疏通積水兼賑災民羣黎  
感悅陞授祁州知州興利除弊有德政調任涿州恭  
辦

皇差以才幹稱賜賚甚厚

傅德宜

字令儀珏長孫宗尹長子乾隆乙卯舉人選授山西  
高平縣令清白自矢勤恤民隱倡立義學整理學宮  
重修縣志丁憂回籍訓子錫通錫齡入庠食餼服闋

開原縣志

卷之六

人物

三

補授山西萬全縣令抵任未基復丁艱回籍哀毀過  
節卒於家

李凌雲

邑人歲貢直隸衡水縣訓導勤講學善甄陶生徒賴  
以振作

周維地

字厚齋邑人歲貢直隸長垣縣訓導歷任三次性孝  
友學博洽躬親教育多士賴以陶成廉介不苟取有  
古士風學者咸宗仰之



富森泰

瓜爾佳氏邑正紅旗人世居吉林伯都訥康熙年間  
移居老虎頭遂家焉初除熊岳驍騎校尋陞牛庄防  
禦錦州佐領廣甯防守尉勤政有廉聲年六十一卒  
於官

開原縣志

卷之六

人物

三



開原縣志卷之六

忠孝

節烈附又貞女附

自古忠孝之誠原於至性節烈之義根於至情豈為主持風化者旌揚而然哉然綱常著於一代俎豆自可千秋也開原設縣已二百年矣忠孝節烈者概不乏人則証明前志撫採舊聞或核實以紀其詳或因名以傳其略即此見我

朝深仁無疆徧噓蔀屋也故備忠孝節烈志

忠

開原縣志

卷之六

忠

三五

金

溫廸罕移室懣

上京人性忠正強毅善射膂力過人皇統初襲其兄謀克積戰功為洮州刺史兄子既長以謀克讓還之除貴德州刺史正隆四年大徵兵南伐泰州猛安定遠阿補以所部叛還移室懣擒之契丹反敗會甯六猛安於締母嶺屯韓信二州之境移室懣破之於伊改河以功遷臨潢尹窩幹反領兵數萬攻臨潢移室懣以六百人邀擊數接戰剿殺甚衆所乘馬中流矢



而仆爲賊所執迫脅至城下使招降移室懣厲聲曰  
汝輩慎勿降賊賊無能爲也賊怒殺之城中人感激  
乘城固守賊不能克

夾古胡刺

上京人宋葛屯猛安人以戰功襲父謀克正隆末山  
東盜起胡刺爲行軍猛安遇賊千五百人於徐州南  
敗之又以騎兵三百二十敗敵千五百人於宣化鎮  
僕散忠義軍伐宋胡刺領萬戶由泗州進戰歿於陣  
贈鎮國上將軍

開原縣志

卷之六

忠

三六

夾谷守中

咸平人本名阿土古大定進士歷通遠軍節度使至  
甯末移彰德軍未行夏兵數萬入寇鞏州守中禦之  
兵少不能支城陷官吏盡降獨不屈夏人壯之且誘  
且脅守中益堅遂載而西至平涼要以招降府人守  
中佯許至城下呼曰外兵矢盡且遁矣慎勿降夏人  
交刃殺之詔贈資善大夫東京留守

烏古孫元屯

上京路人明昌七年充萬戶備邊有功除歸德軍節



度副使改盤安軍察廉遷同知速頻路節度使遷唐  
州刺史泰和六年宋皇甫斌來侵連却之詔遷兀屯  
同知河南府事爲右副元帥完顏匡右翼都統大安  
初遷昌武軍節度轉上京留守大安三年將兵三萬  
入衛中都遷元帥左都監兼北京留守貞祐元年以  
兵入衛中都詔以兵萬六千人守定興軍敗兀屯死  
之

女奚烈資祿

咸平府人本姓張氏興定元年官西甯州刺史賜以

開原縣志

卷之六

忠

三七

姓資祿久在行陣御下有法五年授金安軍節度使  
救鄜州城破不屈死之贈銀青榮祿大夫中京留守  
赤盞尉忻

字大用上京人性至孝當龔父謀克不願受職登明  
昌五年策論進士丞相高汝礪嘗薦其有宰相才元  
光二年參知政事編修國史正大元年拜尚書右丞  
哀宗欲修宮室尉忻極諫至以卧薪嘗膽爲言哀宗  
悚然從之五年致仕居汴中崔立之變明日召家人  
付以後事望睢陽痛哭自縊死



朮甲脫魯灰

上京人哀宗即位授鎮南軍節度使蔡州管內觀察使行功部尚書二年秋傳言宋將入侵農司令民先期刈禾脫魯灰但遣軍巡邏聽民待熟而刈宋人卒不入寇九年從行省參政徒單吾與將潼關兵入援至商山遇雪元兵邀擊之士卒皆凍不能戰而潰脫魯灰被執不屈自殺

溫迪罕老兒

同知上京留守事蒲鮮萬奴攻上京其子鐵哥生獲

開原縣志

卷之六

忠孝

二十六

老兒脅之使招餘人不從鐵哥怒亂斫而死贈龍虎衛上將軍

明

劉旺 子答廝附

三萬衛都指揮成化間與其子答廝在古城堡設伏援絕矢竭突陣力戰父子俱歿

孝

王斌

邑人母聞氏久病無方可療斌向上神廟祈祝乃割



助取肝一片煎湯以進母食之病即愈斌亦無恙

開原縣志

卷之六

孝

无



節烈

唐

李謹行妻劉氏

謹行韃靼人娶劉氏有勇畧高宗時謹行擊高麗於發盧河西破之劉氏留伐奴城賊攻之環甲勒兵固守賊引去以功封燕國夫人

金

阿鄰妻沙里質

金源郡王銀朮可之妹天輔六年黃龍府叛卒攻鈔

開原縣志

卷之六

節烈

三十

旁近部族時阿鄰從軍沙里質集附近男女五百人築柵爲守計賊至攻柵沙里質裹氈爲甲裂裳爲旗男授甲女鼓譟自仗劍督戰三日賊去皇統二年論功封金源郡夫人

明

陸淳妻鄧氏

邑人淳死鄧氏年十九殮畢自縊

高鳳妻蘇氏高龍妻羅氏

鳳戍木邑病故蘇氏扶櫬歸葬撫教二子守節五十



四載卒年八十有三鳳弟龍娶羅氏龍故遺腹四月  
生一男羅氏守志撫孤人稱一門雙節

貞女

崔燦女貞姑

燦邑人無子僅一女貞姑許字胡忠未聘夫亡女截  
髮垢面未踰年父母繼亡女治喪畢割耳刺血誓志  
守義悲號不食而死鄉人憐其節孝即屋瘞之曰貞  
姑墳

本朝

開原縣志

卷之六

節烈

三

民節婦

傅華妻許氏

氏年十八歲于歸十九歲孀居無子以姪孫珏為孫  
事翁姑病輒禱神願以身代時珏年幼讀書少倦氏  
呼天號泣曰吾門所賴者惟汝一人耳汝若廢敗吾  
將何望珏感激氏言奮志讀書由選拔擢浙省慈谿  
縣令氏守節六十有四卒年八十有三雍正四年旌  
馬顯圖妻宋氏

氏年十七歲孀居無子夫亡時欲殉念翁姑年老無



人侍奉貞潔自矢故不敢死後撫呈圖之子名如龍  
雍正年間入庠食餼遂中選拔氏守節六十有二卒  
時七十有九乾隆六年旌

屈自明妻王氏

氏年十八歲適屈未三載而夫故無子僅遺一女家  
甚貧翁姑勸改適矢志不從侍養翁姑時夫弟自潔  
尚幼氏晝夜紡織供給讀書進學未幾弟又故後翁  
姑生養死葬皆氏獨力維持以姪天保爲嗣教務農  
業守節五十有五卒時七十有六乾隆五十年旌

開原縣志

卷之六

節烈

三

庠生左鳳翔妻張氏

鳳翔中年久病醫藥罔效偶思肉食市脯無貲氏割  
左臂肉煎湯翔食病愈氏亦無恙時鄉間稱爲淑媛  
云卒年七十有八

庠生張鋸妻屈氏

鋸好學後有顛疾一日與氏語應畧遲鋸以衣剪投  
之誣刺腹腸出寸餘鋸大驚氏忍痛納腸猶慰曰無  
妨闕日竟愈年二十七歲鋸亡以姪爲嗣守節三十  
餘年鄉議請旌未果氏卒邑令旌其門曰節操堪嘉



王得禮妻趙氏

氏年二十五歲夫故子女皆幼家貧無資乃訓子教女擇配婚嫁守義三十三年鄉間重之邑令旌其門曰苦節遺徽

徐元吉室女玉貞

元吉邑下清河屯人無子有一女名玉貞事親最孝其父擇壻女以死誓親歿哀甚終身守貞不字邑令旌曰孝媼北宮

周燦妻李氏

開原縣志

卷之六

節列

三三

氏年三十歲夫故苦節自矢撫遺腹子維墉訓迪入庠守節五十二年戚黨咸敬重焉儒學旌曰節比松  
均邑令旌曰栢舟自矢

庠生劉應仲妻李氏

氏年二十六歲夫亡撫孤成立備歷艱辛時年六十  
六歲邑令旌其門曰節壽雙高

王有銀妻秦氏

氏年三十歲夫亡孝養翁姑撫訓二子時年六十歲  
邑令旌其門曰賢淑且貞



張攀秀妻周氏

氏年三十歲夫亡四月遺腹生子名朝維氏矢志自貞孝翁姑撫孤子內外無間言未幾子亦亡氏哀過而卒邑令旌其門曰苦節可憫

楊瑚妻李氏

氏年二十三歲夫故守義躬訓諸孤皆至成立時年七十七歲邑令旌其門曰節壽雙高

任貴妻李氏

氏年二十二歲夫遭命案遠戍氏事翁撫孤以待夫

開原縣志

卷之六

節烈

三十四

還後聞歿於戍入室自縊明邑令贊曰意重移天哀深沒地甘心殞命以篤砧藁之情立志投環以著冰霜之操雖辭有所未盡而貞節無與爲儔既增任氏之光輝亦昭李門之教育應旌示勸表其門曰義烈  
懍然

楊進山妻李氏

氏年二十二歲鄰有惡少陳文富潛入求姦欲污之氏喊詈得脫投井自死邑令將文富擬絞批云該氏以窮檐幼婦頗知大義不爲強暴所污且能損軀明



志洵屬節烈可嘉題請旌表

張深妻金氏

氏年十五而適十七而孀守貞不嫁孝侍翁姑守節三十二年時年四十八歲邑令旌其門曰孝義無儔孫連登妻劉氏

氏年二十八歲夫亡守志孝養翁姑訓子孫名列膠庠未經題旌六十一歲而卒邑令旌其門曰栢舟自矢

孫大妻史氏

開原縣志

卷之六

節烈

三五

氏年二十二歲鄰有惡少孫自遠入室逼汚氏喊救得免羞忿自縊邑令將孫自遠擬絞批云該氏以窮鄉少婦頗知閨範不爲強暴所汚且能捐軀明志節烈可嘉題請旌表

郝平妻褚氏道光四年旌

郝文德妻趙氏道光八年旌

烏雙喜女

女名五月因逼姦未成羞愧自死道光二十六年旌  
劉興榮妻王氏



氏年二十歲夫故無子孝事翁姑克盡婦道時守義  
三十二年道光三十年旌

劉惠廷妻王氏

氏年二十歲適劉數月後夫亡無子孝事翁姑後撫  
繼嗣懋學成名守節五十三年道光三十年旌

周鐘妻李氏

氏年二十五歲夫亡孝事病姑極盡婦道姑歿喪葬  
如禮家貧紡績度日訓子之德入庠艱苦備嘗始終  
矢志守節三十三年鄉評咸稱其賢云道光三十年

開原縣志

卷之六

節烈

三六

旌

許文章妻張氏

氏年二十四歲夫亡家貧事翁姑盡婦道鄉閭重之  
守節四十一年道光三十年旌

張鳴妻章氏

氏守節義當鳴故時遺二子名萬成萬全氏朝夕勤  
儉訓迪成立守節有年道光三十年旌

張宗峩妻章氏道光三十年旌

楊旺妻齊氏道光三十年旌



旗節婦

鑲黃旗人索保妻克木輟氏守節有年雍正年旌

正白旗陳滿洲人撮色之妻李氏年十九歲適撮色

二十三歲夫故守節二十八年嘉慶九年旌

正白旗漢軍人張克志之妻唐氏年十九歲適克志

二十六歲夫故守節二十五年嘉慶二十四年旌

正白旗陳滿洲人郭興阿之妻聶氏年十七歲適興

阿二十三歲夫故守節二十七年嘉慶二十四年旌

正白旗西契人必力根之妻關氏年十七歲適必力

開原縣志

卷之六

節烈

三

根二十四歲夫故守節二十七年道光十三年旌

正白旗滿洲人純德之妻石氏二十一歲適純德二

十五歲夫故守節三十一年道光十四年旌

正白旗陳滿洲人衣成阿之妻張氏年十七歲適衣

成阿二十七歲夫故守節二十五年道光十七年旌

正白旗漢軍人他哈那之妻王氏二十一歲適他哈

那二十七歲夫故守節二十四年道光二十九年旌

鑲白旗人穆成格妻鈕呼盧氏守節有年雍正年旌

正紅旗領催錫伯人關福珠隆阿之妻胡氏守節有



年旌

正紅旗滿洲人傅拉福之妻關氏守節有年旌

正紅旗滿洲人關慶敏之妻孟氏守節有年旌

正紅旗漢軍人康國喜之妻王氏守節有年旌

正紅旗滿洲人穆韋住之妻徐氏守節有年旌

鑲藍旗人戴圖他布之妻佟氏守節三十年道光十

五年旌

鑲藍旗人戴烏他布之妻關氏守節三十年道光二

十五年旌

開原縣志

卷之六

節烈

三

巴爾虎佐領束力通阿之妻郭氏守節有年旌



開原縣志卷之六

流寓

春秋有寓公此流寓之所由昉也而志乘必載及之者何哉大抵賢哲僑居山川亦為之生色遂以事想其人而人以傳其地誌之惟恐不詳也即如開原德業可欽者非無周行之示品望堪重者豈乏空谷之音則書諸縣志殊令人俯仰憑弔有美而必傳

宋

張邵

開原縣志

卷之六

流寓

三

字才彥烏江人登宣和上舍第詔求可使北朝者邵慨然請行先拘燕山僧寺後徙會甯府和議成南歸陞秘閣修撰卒贈少師

按張邵流寓金地仍繫之宋者以守節不屈終歸于宋故也

明

夏良勝

江西南城人由進士歷陞太常寺少卿嘉靖時以議大禮謫戍三萬衛卒於甯遠邸舍



開原縣志卷之六

仙釋

粵自黃帝向崆峒以訪道漢君假圖畫而求經遂令仙  
老談天別傳慧典釋翁拜佛獨立梵文如開原之爲巖  
邑也天地之精英聖賢之教澤名流碩彥之迭出豈徒  
斤斤談飛錫近鶴寫經換鵝者哉然讀梵王數萬字花  
不妨拈披明老五千言石亦可此矧雁堂鷲嶺以及  
村古刹鉢韻一聲迷途乍轉磬音數點覺路頓開故仙  
釋一志亦爲啟曠振聾神道設教之一助耳

開原縣志

卷之六

仙釋

四十一

洪理大師

詳載石塔寺碑文記

唐乾元時僧人洪理創建崇壽禪寺經樓佛殿五十  
餘間並造浮圖十三級高二十餘丈後人復造石塔  
於寺後更名石塔寺大師之正果顯蹟代遠難考然  
浮圖高標實爲一縣之鎮佛像莊嚴永保萬戶之休  
想其披袈裟之森森振金策之鈴鈴既能護國佑民  
功德無量豈不能明心見性道岸誕登唐時號爲宣  
徽洪理大師殆或謂其能參三昧云

玉化清虛真人



姓黃河南滑縣人自幼在京白雲觀性好雲遊康熙  
初年隱居開原一面城山波羅洞修真養性披髮跣  
足寒暑一衲誦經不輟頗得仙術附近居民有病求  
醫者與粟一粒服之立愈後有二虎盤居洞口人莫  
敢近道人遂與世不相接矣至乾隆十三年土人遙  
見洞口火光燭天偕衆攀登至洞不見道人惟存爐  
竈椀箸而已至洞西有一小洞見道人圓寂瞑目合  
掌正坐宛若生時土人遂將洞口泥封立碣爲記鐫  
稱玉化真人之墓云

開原縣志

卷之六

仙釋

聖

純真和尚

康熙初年在廣甯醫巫閭山薙度後移普安堡迎水  
寺適逢鄰家回祿延燒及寺師卽以身障火其焰頓  
熄卒保無恙又移至開原馬家寨山龍泉寺坐禪修  
真普度世人時有紅沙石龟人白氏女病崇日篤其  
父求醫師命明晨携女至寺用杖擊其臂曰心邪招  
邪心正邪滅言畢病若失從此名彰求醫者益衆又  
十餘年師復歸廣甯玉皇閣而圓寂焉涅槃之日忽  
失一履尋殆遍終不得其徒卽隻履殉之先有馬家



寨旗人戴光先素與師相善有事赴京紆道往謁  
師抱病一宿而別迨戴某由京返旆至永平界見師  
手提隻履跣足西行顧而問曰別來無恙今欲何往  
答曰至京募化臨行倉卒僅携一履仍煩弟帶回遂  
飄然逝矣及戴某至其寺歷述途遇之由並寄回一  
履其徒曰我師已圓寂兩月餘矣何相欺之甚也索  
履審視果與前所失無異其徒亦告以失履之故共  
相愕然戴某歸後土人咸知其事遂於龍泉寺繪純  
真禪師像酷肖其形今祈禱猶靈應

